



Letter

to Mr. [illegible]

Conde

of R.R.-





LETTRES

DE MONSIEVR LE
PRINCE

*Enuoyees au Roy & à la Royne, pre-
sentees à leurs Maiestez par le sieur
de Marcoignet.*

Case

F

39

.326

1615 codm

W. H. BERRY
LIBRARY

*Lettres de Monsieur le Prince presentees
au Roy & à la Royne par le sieur
de Marcoignet.*

SIRE,

Vostre Maieité aura appris par ma lettre du 27 du passé, les iustes raisons qui m'ont contrainct de lui nōmer ceux qui sont autheurs & cause des maux qui trauaillent vostre Estat, & de la supplier, comme ie fais encor tres-humblement, de vouloir auant son parlement, donner vn ordre certain & asseuré à ses conseils, pouruoir aux desordres qui luy ont esté cy deuant representez, tant par les remōstrances de vostre Cour de Parlement que par les Cahiers des Estats generaux, faire punir ceux qui se trouueront coupables. Et de rendre la iustice de l'assassinat commis en la personne du Sieur de Prouille, Sergent Major de vostre ville d'Amiens, & de m'excuser s'y iusques à ce qu'il eust pleu à vostre Majesté pouruoir à ces choses, ie ne la pouuois accompagner à son voyage, à cause de son subit & precipité parlement: mais d'autant (Sire) que ceux qui ont donné à vostre Majesté les conseils de rompre la cō-

ference & negociation de monsieur de
 Villeroy qu'elle auoit auparauant trou-
 uée bonne & iugée nécessaire pour son
 seruice, & qui ont tousiours pris plaisir
 de rendre toutes mes actions odieuses &
 suspectes à vostre Majesté, quoy qu'il ne
 s'y puisse remarquer que fidelité & inté-
 grité, pourroyent sur ces occurrences luy
 deguïser ce qui est de mes intentions &
 calomnier mes actions à l'endroit de vo-
 stre Majesté, & respandre leurs calom-
 nies par tout vostre Royaume, mesmes
 par toute la Chrestienté, j'ay estimé estre
 obligé par l'interest que j'ay de garantir
 mon honneur & ma reputatiō, d'enuoyer
 à vostre Maiesté la declaration signee de
 ma main, qui vous sera presentee par le
 sieur de Marcoignet, & laquelle ie sup-
 plie treshumblement vostre Maiesté de
 veoir par son œil equitable mes actions &
 deportemens passez, leurs causes, & leurs
 effects, & les mauuais & perilleux cōseils
 des ennemis de vostre estat, qui en ebrā-
 lent les bazes & fondements pour le por-
 ter à sa ruine. Vostre Maiesté recognoi-
 stra ma patiēce, & mon obeyssance, leurs
 iniustes procedures, & les violentes en-
 treprises qu'ils font tous les iours contre

l'autorité de vostre Maiesté, laquelle ie
 supplie aussi tres-humblement trouuer
 bon que i'enuoye ladite declaratiõ à tou-
 res les Cours de Parlement, & autres
 corps notables de vostre royaume, & à
 tous princes & Estats vosalliez & confe-
 derez: afin que chacun puisse cognoistre
 à quoy tendent mes actions, qui n'ont eu
 & n'auront iamais autre subiect que le
 bien de vostre estat, & la conseruation de
 vostre couronne: & sur ceste veritable
 protestation que i'en fais à vostre Maie-
 sté, ie prie Dieu qu'il vous assiste de son
 Esprit pour manier vostre sceptre, & con-
 duire vostre estat en paix & tranquillité,
 vous inspirer de bons conseils, de s'asseu-
 rer de fideles conseillers, vous donner for-
 ce, puissance & courage pour composer
 les mauuais humeurs de ce royaume,
 consolider ses playes, destourner les mal-
 heurs qui le menacent, & me rendre si
 heureux de continuer toute ma vie à ren-
 dre à vostre Maiesté le treshumble serui-
 ce à quoy la nature & le deuoir obligent,
SIRE

Vostre treshumble, tresobeyssant & tresfidel
 subiect & seruiteur

HENRY DE BOURBON.

4
A la Royne.

MADAME,
La regence de cest Estat dans le
bas aage du Roy mōsouverain Seigneur,
vous a preparé de conseruer en suite le
pouuoir dans les affaires, mais les Mini-
stresabusans de vostre bonté, innocente
du mal preferant leurs desseins particu-
liersau bien de l'Estat,ont excité vne cla-
meur publique qui a ietté deuant vos
yeux, la remonstrance du Parlement
ouye, leuë & imprimee, mesprisee tou-
tefois & negligee par opiniaistreté, par
desseing, & sans raison; Les cahiers des
Estatseltouffez contre la reigle ordinaire
qui requiert la verification dans le Parle-
ment par l'audace & la temerité d'aucū
des ministres coupables des desordres
del'Estat; Le mal croissant m'a fait quit-
ter la Cour vn temps pour dissimuler le
mal, esperant le restablissement sans me
pleindre vn temps, tesmoignant le mal
par mon mescontentement sans en es-
mouuoir la France, laquelle estant à cete-
fois en peril, (Madame) ma naissance, ma
fidelité, & mon courage m'obligēt (pour
me garentir de blasme) de vous en des-

courir la cause (que vostre Maiesté seule peut arrester) de me plaindre de quelque lettre enuoyee sous l'autorité du Roy (dont on abuse insollement) par toutes les villes de son Royaume, portans defense de m'en ouvrir les portes: Ce qui ne vient que de ceux qui se sentent coupables des maux qui ruinent l'Estat, & qui excitans la guerre esperent se garentir dans la confusion du iuste chastiment qu'ils ont merité; mais considerez s'il vous plaist (Madame) qu'il n'est pas raisonnable que pour la demande que ie fais de leur iustification ou condamnation toute la France soit portee à sa ruyne indubitable, vostre Majesté peut empescher ce malheur faisant qu'ils soyent donnez à la Iustice, & lors ie ne manqueray à suivre le Roy par tout ou il luy plaira me commander, mais cependant ceste actiō comblera vostre vie & vostre aage de benedictions, Prenez donc bon conseil (Madame) quittez ceux du present, puis que par l'euenement ils se sont trouuez peruertis, contentez vous du vostre & de ceux que vostre bon naturel vous peut fournir, chassez tous les Ministres coupables indigne de charges publiques.

Croyez celuy qui par nature, par affection, & par deuoir a interest à la conseruation du Roy, à la vostre, & à celle de l'Estat. Et le remede ne se pouuant trouuer par ma trèshumble priere & remonstrance pour garantir la France de sa ruine totale, excusez si ie m'oppose au mal, gardant l'obeïssance au Roy & le respect qui est deu à vostre Maïesté. I'enuoye au Roy la declaration de la iustification de mes actions passees, & de ce que i'auray à faire à l'aduenir, qu'il communiquera, comme i'espere, à vostre Maïesté, à laquelle ie desire demeurer,
M A D A M E,

Vostre trèshumble & tresobeïssant seruiteur

HEN. DE BOVRBON.

